

Фарангиз КАРИМОВА

СОФИНЧ

(Шеърлар)

NATLIB.UZ


Қарши
«Насаф» нашриёти
2007

84(55)6-5

Фарангиз Каримованинг изланишлари унинг
келажагига умид ўйғотади.

Ёш шоиранинг содда, самимий мисралари, она-
Ватанга, юртга, одамларга меҳр-муҳаббати Сизни
эътиборсиз қолдирмайди, деб ўйлаймиз, азиз ўқувчи!

10 34350
0



К 4702620202-46 46-2007 Ф.Каримова, 2007 й.
376(10)2007

ISBN 5-7323-0519-7

ШЕЪРИЯТГА ОШУФТА ҚАЛБ

Шеърият шундай бир илохий неъматки, у ҳар кимга ҳам насиб этавермайди. Назм бўстонига эзгу ният, пок қадам билан қалбидаги ихлоси жўш уриб кирган кишигина унинг сирили ва мўъжизавий завқ-шавқларидан баҳраманд бўлади. Дейдиларки, Оллоҳ қаламни яратган, қалам оламни. Нақадар топиб айтилган ибора. Дарҳақиқат кўлига ихлос билан қалам тутиб шеъриятнинг машаққатли йўлига кирган киши ниҳоят унинг нурли манзилларига етишиши муқаррар.

Фарангиз Каримова ҳам қаламга меҳр қўйган, кўнгил кечинмаларини шеърга солган ёшлардан. Унинг шеърларини ўқир экансиз беғубор болалигинги, туғилиб ўсган гўшангиз, тенгдош дўстларингиз ёдингизга тушади. Ватанга садоқат, она табиатга меҳр, наботот ва ҳайвонот оламига ҳайрат билан боқиб, жонфизолик ҳиссининг уйғониши Фарангиз ижодида алоҳида ўрин тутади. Унинг «Капалак», «Гўзал», «Сурхоним», «Хурдиёр фарзандиман», «Севсанг агар Ватани», «Одамлар», «Қишлоғим» сингари шеърлари шулар жумласидандир.

Фарангизнинг «Сизсиз», «Софинч», «Софиниб», «Сени соғиниб», «Яхшиларга» сингари бир талай шеърларида армон, тушкунлик, нолиш бордек туюлсада, бу ижодкор юрагининг ҳеч бир ҳолатга бефарқ эмаслигидан далолатдир ва дунёвий мушкулотлар олдида бош эгмасликни ифода этувчи туғёндир.

Фарангиз бир шеърида;

Тинчлик барқарор юртда,

Гўзалдир табиат ҳам.

Тинчликсевар ҳалқ учун,

Жон фидо қилсақда кам.

дея ватанга содиқликни тараннум этса, яна бир шеърида

Ҳаёт ҳам неча бор эврилар,

Гоҳ нотинч, тинчликка йўғрилар.

Барчага бир бора берилар,

Тинчликни асройлик, одамлар!

деб инсонларни эзгуликка даъват этади.

Шеъриятга ошуфта қалб соҳибаси бўлмиш Фарангиз Каримованинг «Яхши ва ёмон», «Эътироф», «Сўнгги қўнфироқ», «Мактабим», «Юлдузлар билан сұхбат» каби кўплаб шеърлари ҳам анчайин муваффақиятли чиқкан.

Айтиш керакки, Фарангизнинг шеърлари айрим қиёмига етмаган фикрлар ва нуқсонлардан ҳам холи эмас. Бироқ унинг бошловчи ижодкорлигини, интилувчанлигию, кишини ўйлантирадиган ибораларни қўллашини ҳисобга олсак, келажакда ўз йўлинни топиб олишига ишончимиз комил бўлади. Чунки унинг қалбини оловлантирган илҳом, орзу ва умид учқунлари шундан далолат беради. Шеъриятнинг сеҳрли кошонасига шаҳдам қадам қўйиб, назм уммонида ғоввосдек сузиг сўзлардан дур-маржон излашга бел боғлаганини унинг қўйидаги битикларидан ҳам англаса бўлади.

Қалбдаги орзуларим,
Ижобатга айланса.
Юрақдаги ҳисларим,
Шеъриятга бойланса.
Сўзларим қанот боғлаб,
Учмоқ учун шайланса.
Илҳом пари қўксимда,
Нурланса, оловланса.
Шоира бўлгум албат !

Юрагидаги ҳис-туйгуларини шеъриятга боғлаб, қалбдаги орзуларининг ижобатини яратгандан сўраб, қўксидаги илҳом парисини нурлантириб, оловлантириб, пировард яхлит фикрлар йиғиндисини – шеърларини ўзга қалблар сари учирмоққа отланган Фарангизга оқ йўл тилаймиз.

Эгам Дўст,
шоир.

ЎЗБЕКИСТОНИМ

Кўзим очиб кўрганим,
Меҳрим қўйиб суйганим.
Онахоним – Ватаним,
Жоним -Ўзбекистоним.

Гуллар тердим боғингда,
Яйрадим кучоғингда.
Улгайдим ардоғингда,
Шоним - Ўзбекистоним.

Пойидорсан жаҳонда,
Таърифинг ҳар томонда.
Сенга фидо ҳар онда,
Қоним - Ўзбекистоним.



ТАЪРИФ

Юртимнинг чиройига,
Махлиё мурғак қалбим.
Тароватига тўймай,
Хапқиради юрагим.

Тинчлик барқарор юртда,
Гўзалдир табиат ҳам,
Тинчликсевар ҳалқ учун,
Жон фидо қилсақда кам.

Дуркун яйраб ўсамиз,
Хур Ватан қучофида.
Тинчлик рамзи хумо қуш,
Чайқалар байрофида.

Бу юртда ҳар бир инсон,
Меҳнатидан топган шон.
Донг таратар жаҳонда,
Хур диёр Ўзбекистон.



МУСТАҚИЛ ЎЗБЕКИСТОНИМГА

Муқаддас тупроқнинг фарзандидурман,
Гуллаган диёрнинг дилбандидурман.
Жоним фидо бўлсин шу Ватан учун,
Юртим истиқололинг муборак бўлсин !

Ватаним энг буюк қонунга эга,
Барча фуқаролар жавобгар унга.
Бу қонунлар бизни етаклар йўлга,
Юртим истиқололинг муборак бўлсин !

Қўлларда ҳилпирад азиз байробинг,
Фарзандлар қўриқлар сенинг ҳар ёғинг.
Камол топ, яшайвер юртим то абад,
Юртим истиқололинг муборак бўлсин !

Она юртим менинг, ҳур гулистаним,
Донги дунё кезган чаманистаним.
Кучоғингда дуркун үлгайиб ўсдим,
Юртим истиқололинг муборак бўлсин !



ГҮЗАЛ

Осмонда ой гүзал ҳам зухро гүзал,
Фалак комида улар танҳо гүзал.
Жаҳонда жаннат қиёс бир юрт борки,
Мен учун ундан йўқ юрт бошқа гүзал.

Гүзаллик аслида онада бордир,
Мурғаккина қалбли болада бордир.
Онанинг боласига меҳри гүзалдир.
Талпинган боланинг сехри гүзалдир.

Гүзаллик нимадир гуллардан сўра,
Сочига гул таққан қизлардан сўра.
Гүзаллик оламнинг зеби, чиройи,
Куз, қишу, баҳору ёзлардан сўра.

Тоғларда қор гүзал, чўққилар гүзал,
Қирларда очилган лолалар гүзал.
Қалбда яшамоққа ҳавас үйғотган,
Юрт кўрки, эл мәхри, дуолар гүзал.



ҚИШЛОГИМ

Хұжабаркух пойида,
Ястанган гул маконсан.
Азиз Сина қишлоғим,
Менга нурли ошёнсан.

Үйнаб ўсдим бағрингда,
Йүқдир сира армоним.
Киндигим қони томган,
Үзингсан зўр қўргоним.

Саҳар вақти булбуллар,
Хониш қилар боғингда.
Тўрғай, чил, каклик, ҳилол,
Нолиш қилар тоғингда.

Узумзоринг таърифи,
Кетган етти иқлимга.
Оллоҳдан бир тиласим,
Кўз тегмасин юртимга.

Тоғ тўшида жойлашган,
Сўлим Сина қишлоғим.
Таърифингга тил ожиз,
Бол томган чексиз боғим.

Саховатда ҳур халқим,
Ибрат бўлган кўпларга.
Қишлоғим таърифингни,
Кўтаргайман кўкларга.

СЕВСАНГ АГАР ВАТАННИ

(қўшиқ)

Севсанг агар Ватанни,
Жону жаҳонинг-ла сев.
Фидо қил унга танни,
Аҳду виждонинг-ла сев.

Муқаддас бил номини,
Баланд кўтар шонини.
Кўзга сурт туз, нонини,
Дилда имонинг-ла сев.

Тун-кун доим сергак бўл.
Оғир кунда тиргак бўл.
Ватан - она бешак бил,
Ҳам жон, ҳам қонинг-ла сев.

Ватан хокин кўзга сурт,
Номин дилда маҳкам тут.
Севсанг агар Ватанни,
Унга жонинг фидо эт.



ХУР ДИЁР ФАРЗАНДИМАН **(кўшиқ)**

Хур диёр фарзандиман,
Гул диёр фарзандиман.
Бағри кенг шул Ватаннинг,
Бир гулу дилбандиман.

Кунда минг юз кўрсатар,
Юртимнинг истиқболи.
Имконларга бой бўлди,
Хуррият, истиқолли.

Бу кун дунё тан олди,
Озод, обод маконни.
Шухратин кўшиқ қилиб,
Куйлай Ўзбекистонни.

Кундан кунга яшнайвер,
Камол топ азиз Ватан.
Завол кўрма ҳеч қачон,
Жонажон Ўзбекистон!



СУРХОНИМ

Таърифласам номи достон Сурхоним,
Чор тарафи боғу бўстон Сурхоним.
Эллар яшар қучоғида баҳтиёр,
Теграси тинч тиник осмон Сурхоним.

Тоғларида ярқирайди оппоқ қор,
Осмон билан бўйлашади чўққилар.
Азиз номи қоялардек пурвикор.
Шуҳратичун фидодир жон Сурхоним.

Дехқонлари даладан дур ундирав,
Тадбиркори хориждан мол келтирав.
Полвонлари юрт довруғин кўтарар,
Ҳар кун юзлаб меҳмон кутар Сурхоним.

Одамлари меҳмондўстдир бағри кенг,
Меҳнат қиласар юрт учун шимариб енг.
Жаннат монанд бундайин юрт қайда денг,
Чўллари ҳам чаманистон Сурхоним.

Айтаверсан қиёсин йўқ адоси,
Ҳар неки бор арзир бўлса фидоси.
Довруқ солсин дунё бўйлаб садоси,
Дунё борки бўлсин омон Сурхоним.

ИФТИХОР

Шу азиз ватаннинг фарзандиман мен,
Эркесвар элимнинг дилбандиман мен.
Тупроғи кўзимга тўтиё ҳар он,
Бағридаман-толеи баландиман мен.
Безавол ҳилпирап байроғинг, Ватан,
Мардларинг кўриқлар сарҳадларингни.
Юксал, ортаверсин шуҳрат ила шон,
Ўзинг қўлла шерюрак фарзандларингни,
Муқаддас юрт, мустақил Ўзбекистоним,
Сенга баҳшидадир умрим ашъорим.
Улғайдим бағрингда, меҳрингга қондим,
Номинг қалбимдадур то танда жоним.

ВАТАН

Юракда энг улуғ сўз,
Этай оlamга кўз-кўз.
Онамдек мўътабарсан,
Ифтихор шоним Ватан.

Ўзинг ёруғ жаҳоним,
Бағрингда йўқ армоним.
Сенга фидо жону тан,
Тиник осмоним Ватан.

Бўй чўзибсан осмонга,
Юз тутдинг кенг жаҳонга.
Шунчалар мўътабарсан,
Орзу имоним Ватан.

Қалбда улуғ сўз номинг,
Ўзингга мос ўз номинг.
Дунё аҳли олган тан,
Шўх садо-шаъним Ватан.

ХОХИШ

Хаётни күйламоқ истайман,
Шу юртни ўйламоқ истайман.
Шундай гулгун, хуррам замонда.
Эл оралаб тўйламоқ истайман.

Дунё кезса юртим таърифи,
Қалбларни забт этса тарихи.
Кўшиқقا айланса тавсифи,
Шу элда бўйламоқ истайман.

Чидадик зулм ила зўрликка,
Чидадик хорлигу хўрликка.
Шукурки эришдик хурликка,
Эл эркин күйламоқ истайман.

Юртимга ҳавас-ла боқканни,
Халқимнинг кўнглига ёққанни.
Нияти покиза инсонни,
Нон туз-ла сийламоқ истайман.



ЮЛДУЗЛАР БИЛАН СУҲБАТ

Тунда чексиз самога боқиб,
Сирлашаман юлдузлар билан.
Тақдиримдан фол очинг дейман,
Бирга бўлай мен сизлар билан.

Сиз осмоннинг нурли безаги,
Юракларга қувонч баҳш этган.
Сизларга ошуфта бу кўнглим,
Номингиз исмимда акс этган.

Ялдо тунлар термулиб сизга,
Уйқуга илинар кўзларим.
Овунчоғим сизсиз юлдузлар,
Қалбимда ловуллар ҳисларим.

Тонг сахар уқалаб қўзимни,
Очган чоғ боқаман осмонга.
Сизларни ахтариб тополмай,
Юрагим тўлади армонга.

Эй менинг суйган юлдузларим,
Ўртаманг қалбимни фирокда.
Умримни сизларга боғладим,
Бўлсангиз қанчалар йироқда.

МАКТАБИМ

Билим олдим бағрингда,
Үйнаб үсдим боғингда.
Номинг қалб ардоғимда,
Қадрдоним мактабим.

Устозлар бошим силаб,
Илм ўргатди эркалаб,
Бағринг очдинг эрталаб,
Жонажоним мактабим.

Ёп-ёруғ кошонасан,
Гүё бизга онасан.
Мехринг кўмсаб ёнаман,
Мехрибоним мактабим.

Билимларнинг булоғи,
Гулга тўлган ҳар ёғи.
Орзуларим маёғи,
Шараф, шоним мактабим.



ОНАЖОН

Сиз туфайли оламни кўрдим,
Мурғак қалб-ла меҳрингиз тўйдим.
Чин юракдан мен сизни сўйдим,
Онажоним, онажонгинам !

Болам дея доим эркалаб,
Оқ ювиб, оқ тараган ҳам сиз.
Ютуқларим кўриб қувониб,
Бошгинамни силаган ҳам сиз.

Онажоним ёнимда сиз бор,
Бегонадир ғам, алам менга.
Умрим бўйи сажда қилгумдир,
Сиздек мунис, азиз инсонга.

Ҳам сирдошим, ҳам дуогўйим,
Қиблигоҳим Сизсиз онажон.
Яратгандан ёлғиз тилагим,
Доим омон бўлинг онажон.



ОТАЖОНИМ

Отажоним оппоғим деб,
Эркалаган сиз ўзингиз.
Ҳаётимда ибрат рамзи,
Бўлган ҳар бир сўзингиз.

Сизни кўрсам қалб қувончга,
Кўзим нурга тўлади.
Отажоним Сиз борсизки,
Бахт, иқболим кулади.

Отажоним сиз ўзингиз,
Энг ишончли қалқоним.
Бу дунёда ишонганим,
Суянчик, меҳрибоним.

Шаънингизга шеър битиб,
Этай сизга армуғон.
Бахтимга сиз бўлинг омон,
Меҳрибон, жон отажон.




СҮНГГИ ҚҮНФИРОҚ

Чалингач сўнгги қўнфироқ,
Ҳапқиради юрак бетиним.
Юмалайди юзга кўздан ёш,
Бу не ҳолат айтгин синфдош.

Хотирага айланар бўлди,
Болаликнинг шодон дамлари.
Дилга фироқ ташлади афсус,
Айрилиқнинг азоб, ғамлари.

Кенг ҳаётнинг сўқмоқларидан,
Чор тарафга бошлаймиз йўлни.
Қайда бўлсак эй синфдошлар,
Узатайлик қўлларга қўлни.

Завол кўрмай етсин ҳар кимнинг,
Нурли манзилларга парвози.
Боғлаб турсин қалбларни доим,
Сўнгги қўнфироқнинг овози.



ЭЪТИРОФ

Қалбдаги орзуларим,
Ижобатга айланса.
Юракдаги ҳисларим,
Шеъриятга бойланса.
Сўзларим қанот боғлаб,
Учмоқ сари шайланса.
Илҳом пари кўксимда,
Нурланса, оловланса.
Шоира бўлгум албат !

Ўзбекистон деган ном,
Ифтихор, фахрим бўлса.
Эл шонини куйламок,
Энг улуғ аҳдим бўлса.
Ватан душманларига,
Қалбимда қаҳрим бўлса.
Халқимнинг хизматига,
Туну кун шаҳдим бўлса,
Шоира бўлгум албат !



ЯХШИ ВА ЁМОН

Кишилардан қолса гар яхшилик,
Одамлар эслашар яхши деб.
Қолса гар кимлардан ёмонлик,
Ёмон деб эслашар ёмон деб.

Кимдадир ўзгага меҳр бор,
Билингки қалбидан сехр бор.
Кимларнинг қалбидан қаҳр бор,
Билингки тилида заҳар бор.

Яхшидан кўнгиллар нур эмар,
Сўзидан минг ҳикмат бол томор.
Ёмоннинг сўзлари дил эзар,
Тилидан гўёки қон томар.

Яхши сўз, ёмон сўз билсангиз,
Бир оғизнинг икки меваси.
Ёмон сўзни ҳаргиз демангиз,
Яхши сўз пок кўнгил шеваси.



ОДАМЛАР

Ҳаёт ҳам неча бор эврилар,
Гоҳ нотинч, тинчликка йўғрилар.
Барчага бир бора берилар,
Тинчликни асрайлик, одамлар!

Урушнинг олдини олайлик,
Тинчлик учун бирга бўлайлик.
Ҳаёт завқин бирга сурайлик,
Тинчликни асрайлик, одамлар!

Бўялмасин ер юзи қонга,
Бомба портламасин осмонда.
Хавф солмасин ўлим инсонга,
Тинчликни асрайлик, одамлар!

Она ерни гулга буркайлик,
Эзгуликни қалбга тугайлик.
Тинчлик учун ҳайкал қўяйлик,
Тинчликни асрайлик, одамлар!



КАПАЛАК

Қанот қоққан атлас капалак,
Сүзларимга қулоқ сол андак.
Юрагимга завқ багишилаган,
Овунчоқ йүқ үзингдан бўлак.

Бир жуфт бўлиб гўзал чаманда,
Рақсга тушиб шодон қувнайсиз.
Хавф-хатарсиз чексиз ошёnda,
Тинмай қувлашмачоқ ўйнайсиз.

Капалакжон айтгин дунёда,
Эркинлиқдан не бор зиёда.
Озор кўрмай озод яшашдан,
Ортиқроқ баҳт борми дунёда.

Капалақжон сизларга ўхшаб,
Озод даврон сурмоқ истайман.
Шундайин ҳур озод юртимнинг,
Бахтин порлоқ кўрмоқ истайман.

Менинг юртим тенгсиз жаҳонда,
Шоирлари жаннатга менгзар.
Капалакжон менинг билан бўл,
Иккимизга тенг бу ҳур диёр.



СИЗСИЗ

Ҳовлидаги дарахтларнинг шохлари эгик,
Чумчуклар ҳам чирқиллайди безовта ҳар он.
Волидамнинг соchlарига оқ оралабди,
Юракларни алам тирнар ҳар куни Сизсиз.

Фам юклари падаримнинг эгди қаддини,
Юрагига оғриқ солди тўсиб шаштини.
Суролмасдан кетдингиз сиз ҳаёт гаштини,
Қалбимизда армон қолди, дард қолди Сизсиз.

Сина тоғнинг қоялари мунғайиб қолди,
Йўлингизга қўзларимиз термулиб толди.
Қалблардаги шодлик ўрнин фам-нолон олди,
Дийдор сўзи чўпчак бўлди тилларда Сизсиз.

Ғаддор ажал келиб, келиб танлади сизни,
Шум рақиблар қайларга бурди йўлингизни.
Акажоним деб ушлолмадим қўлингизни,
Бу дунё фамхона бўлди бизларга Сизсиз.

Ётган жойларингиз жаннат бўлсин акажон,
Қабрингиздан гул-чечаклар унсин акажон.
Номингиз қалбларимизда яшар то абад,
Мангумасканингиз нурга тўлсин акажон.



СОФИНИБ

Орзуйим армонга айланди,
Вужудим зўр дардга бойланди.
Қалбимга изтироб жойланди.
Акажон мен сизни соғиниб.

Онамнинг кўзида нур сўнди,
Отамнинг тик қадди букилди.
Юрагим чокидан сукилди,
Акажон мен сизни соғиниб.

Кечаси юлдузлар санайман,
Юлдузи қайси деб излайман.
Бир соғинч, дард билан бўзлайман,
Акажон мен сизни соғиниб.

Тунлари тушларим саробдир,
Чекканим фифону азобдир.
Рангим сомон, бағрим кабобдир,
Акажон мен сизни соғиниб.

Тақдирнинг ҳукмига бош эгиб,
Дуолар қиласман сиз учун.
Жойингиз жаннатда бўлсин деб,
Кўз ёшим тўкаман туну кун.

Номингиз қалбимда ардоқда,
Ҳар куни эслайман неча бор.
Тангридан биргина тилагим,
Имонни айласин сизга ёр.

ОНАМГА

Азизим, мунисим ҳам меҳрибоним,
Борлигим, фурурим, жоним-жаҳоним.
Оқ ювиб, оқ тараб, оқ сути ила,
Боқиб улғайтирган сиз онажоним.

Топганин оғзимга тутиб эрта-кеч,
Эркалаб бағрига босган хур инсон.
Камолингни кўрай деб тун-кун,
Дуога қўл очган сизсиз онажон.

Бешигим бошида киприк қоқмайин,
Шомларни тонгларга улаган бедор.
Жаннат оёғингиз остида шаксиз,
Сиз азиз мукаррам, улуғ, мўътабар.

Сиз билан ҳаётим мазмундор, шодон,
Сиз борки файзлидир бу хуррам замон.
Бахтимга дунё тургунча туриңг,
Тангридан тилагим шудир онажон !



ЯХШИЛАРГА

Яхшиларга ярашади яхшилик,
Ёмонга ҳам қилмоқ керак яхшилик.
Ионон, олувидан ўн чандан ортиқ,
Берувчини шод этади яхшилик.

Мұхтож ҳовучини түлдирсанг агар,
Оллох қүчогингни түлдирап бешак.
Яхши сүзни күп айт, эй инсон, магар
Обод күнгилда бор энг яхши тилак.

Киши ўз дүстидан кутар яхшилик,
Күнглидан кечгани ўзига аён.
Саҳрода чанқаган кимсани эсла...
Ўзлигингга қайтасан –
Яхшилик-ла ёвга құл чүзганинг он.

ТАБИАТ

Сув бўйида мажнунтолнинг қадди дол,
Майн кокилларин тўзғитар шамол,
Ошуфта қалбларни завққа түлдирап-
Табиат гўзалдир! Таърифга тил лол.
Табиат ҳуснига боқаман тўймай,
Мен унинг қизиман, эркаси ўзим.
Орзуладим күшдек қоққанда қанот
Олис юлдузлардан узолмай кўзим.
Юксакка интилсам, қўллар Ватаним,
Онамдек табиат бағрига босар,
Дўйстларим ёнимда, камим йўқ маним.
Бас, шундай замонда яйрамоқ керак,
Эл корига яраб, яшамоқ керак!

СЕНИ СОФИНИБ...

Хар лаҳзада сени соғинавердим,
Бойчечак баҳорни соғинганидек.
Қовжироқ құлларим күкларга тутдим,
Майсалар ёмғирга сиғинганидек.

Күз үнгимга келдинг үйлаганимда,
Лек үзинг келмадинг, тоқатлар синди.
Юрагимда кучли оғриқлар билан
Күл чүzsам йўқликка саробдай сингдинг.

Хижрон чўлларида Мажнундай тентиб,
Соғинчимни буткул йўқотиб қўйдим.
Энди яшамоқдан не фойда сенсиз,
Мажруҳ юрагимга ўқ отиб қўйдим.

Келмадинг...
Соғиниб... Соғинмай қўйдим.



ҚАЛБ СҮЗИ

Онажоним сиз туфайли дунёда,
Мурғак қалбим жүшиб севилдим,
Қаергаки қадам ихлос-ла қўйдим,
Соф-омон бўлингиз онажонгинам.

Болажоним, дея қўллаган ҳам сиз,
Орзуларим сари йўллаган ҳам сиз.
Бахту камолимни тилаган ҳам сиз,
Соф-омон бўлингиз онажонгинам.

Тилагим шу: доим бўлинг соф-омон,
Қарши олинг кулиб тонгни ҳар қачон.
Енгилур мушкул ҳам сиз ила осон,
Соф-омон бўлингиз онажонгинам.

Оналар бор, тинчdir, файзиёб ҳаёт,
Кун-кунга кўрсатар меҳр, илтифот.
Сиз борки толмагай парвоздан қанот,
Соф-омон бўлингиз онажонгинам.



ОНА

Дунё яралибди азал-азалдан,
Она сўзи жаранглар тилларимизда.
Кўзин очган гўдак туйган мисоли,
Сақланажак бу меҳр дилларимизда.

Эй азиз, мўътабар, меҳрибон она,
Аллангиз бунчалар сеҳрли яна.
Сиз мени опичлаб улғайтиргансиз,
Оlamни танитиб улғайтиргансиз.

Қалбингиз булоқдек софдир онажон,
Фарзандга кўзингиз муштоқ ҳамиша.
Элнинг тинчлигин ҳам ўйлаб қўясиз,
Сиз ҳаммамизни бирдек сұясиз.

БИЛСАНГИЗ

Ватанинни юракда уйғотган ҳам сиз,
Ҳақ сўзни менга ўргатган ҳам сиз.
Ватан ҳақда ширин сўзлатган ҳам сиз,
Сиз менинг онамсиз, меҳрибонимсиз.

Қадрдан далага ҳар куни шошган.
Хирмони Ҳисордек тоғлардан ошган,
Меҳр булоғингиз дарёдек тошган.
Сиз менинг онамсиз, қадрдонимсиз,

Ҳаётим қувончи, кўнглим чироғи,
Тунимнинг ойи-ю, кўнглим ҷароғи.
Сиздан бизга ўтган меҳр қароғи,
Сиз менинг онамсиз, дилда боримсиз.

МУНДАРИЖА

Шеъриятга ошуфта қалб.....	3
Ўзбекистоним.....	5
Таъриф.....	6
Мустақил Ўзбекистоним.....	7
Гўзал.....	8
Қишлоғим.....	9
Севсанг агар Ватани.....	10
Хур диёр фарзандиман.....	11
Сурхоним.....	12
Ифтихор.....	13
Ватан.....	13
Хоҳиш.....	14
Онажон.....	15
Отажоним.....	16
Юлдузлар билан сұхбат.....	17
Мактабим.....	18
Сўнгги қўнғироқ.....	19
Эътироф.....	20
Яхши ва ёмон.....	21
Одамлар.....	22
Капалак.....	23
Сизсиз.....	24
Софиниб.....	25
Онамга.....	26
Яхшиларга.....	27
Табиат.....	28
Сени соғиниб.....	29
Қалб сўзи.....	30
Она.....	31
Билсангиз.....	32

АДАБИЙ-БАДИЙ НАШР
КАРИМОВА ФАРАНГИЗ

СОФИНЧ

(Шеърлар)

Ўзбек тилида

Муҳаррир: А.Тайпатов.
Техник муҳаррир: Ч. Раҳмонов.
Мусахҳих: Г.Хўжаева.

ИБ 1116

Теришга 8.10. 2007 йилда берилди. Босишга 12. 10. 2007
йилда рухсат этилди. Бичими 84x108 1/32. Шартли босма та-
боби-1,68. Шартли бўёқ- отт - 1,74. Нашр босма табоби - 0,90
60 - 2007-шартнома. 85-буюртма. 100 - нусхада. Эркин нарх-
да.

«Насаф» нашриёти, 180118. Қарши шаҳри, Мустақиллик шоҳ
кўчаси, 22-уй.

Қашқадаарё вилоят Матбуот ва ахборот бошқармаси
хузуридаги «Матбаа» цехида чоп этилди.

Қарши шаҳри, Мустақиллик шоҳ кўчаси, 22-уй.